

horoskopoa



A R I E S

martxoak 21 - apirilak 20

Alaitu aurpegia, udan gaude eta. Zure look-ari ere emaitza begiradaxo bat.



T A U R U S

apirilak 21 - maiatzak 20

Eguzkia horrenbeste hartzea ez da ona. Burmuinak irakiten dituzu.



G E M I N I

maiatzak 21 - ekainak 20

Telenobela bateko pertsonaia baten bizitza ematen du zureak. Itzali telebista!



C A N C E R

ekainak 21 - uztailak 20

Ongi dago oparien zain egotea, baina horretarako lagunei gutunak bidali behar ere!



L E O

uztailak 21 - abuztuak 23

Lasai bizi zaitez, baina ohetik, behintzat, altxa zaitez.



V I R G O

abuztuak 24 - irailak 23

Hitzaldi profesionalak ematen hasi, bestela lagunak bozala erosiko dizute eta.



L I B R A

irailak 24 - urriak 23

Aizkorri eta Anboto igotzeak ez du esan nahi Everest igoko duzunik. Lasaitu!



S C O R P I U S

urriak 24 - azaroak 23

Asmatu nahian ibiltzea ez da erraza. Onena, burura datorren lehenengoa egitea.



S A G I T T A R I U S

azaroak 24 - abenduak 23

Ordu laurden, ordu erdi, ordubete. Garaiz iristen ere hasi beharko duzu, ezta?



C A P R I C O R N U S

abenduak 24 - urtarrilak 20

Lanera joatea eta lan egitea ez dira gauza bera. Ba al dakizu?



A Q U A R I U S

urtarrilak 21 - otsailak 18

Beti esaten dizute gazteagoa dirudizula. Zure buruak ez du hori esaten.



P I S C I S

otsailak 19 - martxoak 20

Zabal ezazu buruko tapoia; gauza berriak irenstea komeni zaizu.

Uxue Agirre

efemerideak

Nafarroaren kontrako gerra piztu zen

1512ko ekainaren 20an Fernando Katolikoa Espainiako erregeak Nafarroako gaztelu batzuk bereganatzeko ahalegina egin zuen. Ondorioz Espainiako erreinu sortu berriaren eta Nafarroako erresumaren artean gerra piztu zen. Lehenagotik ere, Fernando Katolikoa eta Frantziako Luis XI.a erregea Nafarroan gerra pizten saiatu ziren. Nafarroa Garaia berehala erori zen Albako Dukearen eskutik, eta Albert familiak Nafarroa Beherea soilik mantendu zuen bere menpean. Hiru urte geroago, 1515ean, Gaztelak Nafarroaren anexioa «legez» onartu zuen.

1833 Bonet margolaria jaio zen Baionan.

SANTUAK

Florentina, Goizeder.

telebista - irratia

UDAZKENEAN ESKAINIKO DITU EUSKAL TELEBISTAK TELESAILOAREN HAMAHIRU KAPITULU BERRI

Olasagasti: «'Maité'-ren atal berriek komedia kutsu handiagoa dute»

■ ETBk *Maité* telesailaren hamahiru atal berri eskainiko ditu udazkenean. Saioak arrakasta handia izan du ikus-entzuleen artean, eta kapitulu berriak grabatzea erabaki dute *Maité*-ren arduradunek. Arrakasta horrek izan du bestelako emaitza bat ere: telesailak Midia 98 saria jaso berri du.

Mikel Lizarralde / Donostia

'MAITÉ' TELESAILAK izen bereko filma du oinarri. Pelikula Kuban grabatu zuten orain dela hiru urte, eta hark izandako oihartzuna aintzat hartuta, filma egin zuen taldeak proiektu berri bati egin zion aurre: argudioari eusten zion ordubeteko hamahiru ataleko telesailari, hain zuzen ere.

Telesailak ere arrakasta handia izan duenez, hamahiru atal berri grabatzea eta emititzea erabaki dute Euskal Telebistak eta Igeldo Etxeak.

Orain arte Eneko Olasagasti eta Karlos Zabala arduratu dira, Lurdes Bañuelosekin batera, telesailaren zuzendaritzaz; baina atal berrietan Bañuelosek hartu du ardura hori. Karlos Zabalak atzo Miramongo estudioetan egindako prentsaurrekoan adierazi zuenez, gidoigile taldean jarraitu dute Olasagastik eta berak, baina orain beste film bat prestatzen ari direnez, *Maité*-ren zuzendaritza utzi behar izan dute. «Grabazioetara etorri, eta ikusi dugu makineria martxan dagoela erabat».

Udazkenean aireraturako diren *Maité*-ren atal berriek zenbait berrikuntza izango dute. Hala, Juan Luisen eta Daisyren artean arazo batzuk izango dira, Carik eta Obdu-liok hainbat gorabehera jasango dituzte, eta ezkontza bat ere izango da.



Midia 98 saria jaso dute 'Maité'-ren ekizle eta zuzendariak.

EDURNE KOCH

Bestelako aldaketak ere izango ditu telesailak, Olasagastik iragarri zuenez: «Atal berriek komedia kutsu handiagoa izango dute. Orain arte hobekien funtzionatu duena indartu egin dugu».

Orain arteko ataletan drama eta komedia uztartu dituzte, baina Olasagastiren iritziz «zaila da bi jeneroak nahastea». «Joera naturala izan da komediara jotzea. Nahiz eta etorkinen egoera, oro har, erraza ez izan, umorearen aldetik aberastu nahi izan dugu saioa».

«Nahiz eta etorkinen egoera, oro har, erraza ez izan, umorearen aldetik aberastu nahi izan dugu saioa».

Midia 98 saria • Bestalde, *Maité*-k Midia 98 saria jaso berri du, fikzio telesailarik onenaren atalean. Ikus-entzutekoen Industriaren Merkatu Iberoamerikarrak ETBko telesaila aukeratu du hainbaten artean. Atal horretan parte hartu dute, besteak beste, Espainiako telebista kateetan

eskaintzen dituzten hainbat telesailak: *Médico de familia*, *Periodistas*, *Querido maestro*...


Sari horren garrantzia azpimarratu zuen atzo Pello Sarasola ETBko programazio buruak: «Jamaikak mundiala irabaztea bezalako sorpresa izan da Midia saria jasotzea. Aurrekontu handia darabilten saioek hartu dute parte, eta gureak irabazi du».

Sariak ETBko ekoizpenak atzerrian zabaltzeko aukera ere ireki duela esan zuen Joxemari Otermin programa buruak: «*Maité*-rekin atek ireki daitezke, *Maité*-k merezi du eta».

l a b u r r e a n

ETB2ko 'Debate parlamentario' saioak Hauteskunde Legea aztertuko du

Eusko Legebiltzarreko Hauteskunde Legeak izan dituen aldaketak aztertuko dituzte gaur ETB2ko *Debate parlamentario* saioan. Lege horrek arautzen ditu Euskal Autonomia Erkidegoan egiten diren hauteskundeak. Lege berriak murriztu egiten du publizitate politikoa kalean egiteko aukera, eta alderdi politiko batek kanpaina batean egin dezakeen gehieneko gastua ere zehazten du: 169 milioi pezeta. Bestalde, legeak boto elektronikoa arautzen du, nahiz eta ez duen horren abiatzea oraindik ezartzen. Urriaren 5ean egingo diren Eusko Legebiltzarreko hauteskundeak izango dira arau berriekin egingo diren lehendabizikoak. Gai horri buruz hitz egiteko, honako euskal legebiltzarkideok izango dira saioan: Jose Antonio Rubalcaba (EAJ), Rodolfo Ares (PSE-EE), Sabin del Bado (HB), Sabin Intxaurre (EA), Javier Madrazo (IU)



Jose Antonio Rubalcabak Debate parlamentario saioan parte hartuko du gaur ETB2an. OLALDE

eta Enriqueta Benito (UA). *Debate Parlamentario* M^a Francisca Vallesek zuzendu eta aurkeztu du, eta ETB2k emitituko du iluntzeko 21:35ean

Pilota partiduak ETB1ean eta Tele5en.

Tele5 telebista kateak bi pilota partidu eskainiko ditu gaur arratsaldeko 17:30etatik aurrera Logroñoako Adarraga pilotalekuan. Lehendabiziko parti-

duan Gorostiza eta Taberna Berasaluze VIII.a eta Balerdiren aurka lehiatuko dira. Estelarrean, berriz, Alustizak eta Arretzek Etxaniz eta Zezeaga izango dituzte aurkari. Bestalde, ETB1ek bi pilota partidu eskainiko ditu gaur gauean. Aurrenekoan Goñi eta Laso III.ak Esain eta Elkororen aurka jokatuko dute; eta bigarrenean Sorro III.a eta Goñi III.a Haritz eta Irigoinen aurka lehiatuko dira. Jaialdiaren bigarren partiduak 22:40an hasiko da.